

中國方志叢書·華北地方·第三二三號

據清·舒其紳等修·嚴長明等纂
乾隆四十四年刊本 影印

陝西 省

西安府志

(一)

成文出版社有限公司印行

古者以大臣出爲郡守天子得親見問優者輒勞璽書賜金增職甚至入爲三公蓋謂其承流宣化實能名實相應致其事于民也然一郡之內古今疆索殊其致山川民物異其宜利弊沿革必先貫弗于中而後見之施行各得其職是以班氏漢書首志地理誠見夫欲行所知未有不先以尊所聞者也西安古稱天府四塞豐鎬宅京而後秦漢隋唐咸建都邑于此因是掌故甲于寰寓余于乾隆癸巳奉

天子命簡任封圻巡撫茲土七稔于茲其間名山大川以暨故墟廢井車塵馬跡大半經行然于山則終南惇物太乙垂山武功太白一實數名于水則灞滻涇渭

澧鎬潦滴存亡分合雖孔傳班書桑經酈注迄無定
論雖指莫繇其他襲故沿譌更難究詰向著關中勝
蹟圖志類加辨析而隻議單辭相羊莫助歲乙未江
寧嚴侍讀長明以病在告稅駕關中因以積疑與之
上下侍讀所見多與余相脗合丙申入

覲爰請先將關中府志重加修輯荷蒙

俞允秉節西旋廼以首郡屬其排纂武進莊州倅所佐之

侍讀因與原本史裁發凡起例商榷既定復以茲事

體大率臆莫憑廼攜歸金陵蒐薈羣籍凡與秦中文

獻關涉者計得千數百種目載卷首類次區分文成數萬

致力可謂勤矣猶以事不深于政術理弗密于時務

史廓經鄆事等駟販識者恧焉因是復詣青門適榆
林舒太守其紳調任首郡修明政教百廢具舉公餘
之暇力任蒐揚閱其所上圖冊至於兼兩莫能勝載
侍讀復詳加決錄州次部居爲門一十有五分類五
十有一統計成書八十卷剗刷藏事以全函來上復
請序以弁其首余時方奉

命署理督篆金城候館間時復披覽其文則簡要而事復
賅綜具程大昌之博議而謝其煩蕪擅何景明之雅
材而加以典實蓋侍讀讀書破萬故能裒百論以貫
三長而舒守本實心以行實政卽其甄錄所在而於
食貨見其勤求政本焉于建置見其興舉廢墜焉於

學校官師知其興德造而重循良於忠貞節烈知其
闡幽潛而維風教則是志也固一郡之獻徵卽謂太
守之治譜可也昔京兆尹之盛無過兩漢今觀所載
如張敞翟方進雋不疑顏斐諸人皆起家經術不徒
以文法見長厥後咸至大官今當計吏之年余以太
守才猷卓著爲書上考列薦於

朝肆

覲後蒙

恩嘉勞行將蜚英騰茂允升于大猷爰爲述其顛末用示
郡有良二千石能以文學校飾吏治不特長吏與有
榮施兼使列郡諸守亦知所以自効也

乾隆己亥秋七月朔

賜進士及第兵部侍郎兼都察院右副都御史巡撫陝西
西安等處地方贊理軍務兼理糧餉署理陝甘總督
兼管甘肅巡撫事軍功加七級鎮洋畢沅撰

國家重熙累洽久道化成輶軒所達山陬海澨遺書逸
典靡不兼採畢獻以充金鑛石室之藏甚盛際也余
自維樛昧蚤歲通籍仰承

恩命由兵曹觀察畿輔不一歲復荷

新綸旬宣茲土夫西安爲古雍州形勝之地豐鎬旣宅下
逮秦漢隋唐代建皇畿神皋奧區龍興虎視其中疆
索山川民物政教因革損益憲古證今迥非列郡所
能方駕己亥秋中蒞任以後訪宋敏求所修長安志
于藏書家不可得因取州縣所修志籍詳加披覽率
皆近代甄輯體例襍書言人人殊難以徵信未幾而
郡守舒君以新修府志來上復請序以弁其端閱之

始知今

大中丞畢公於丙申入

覲有修明志乘之

奏是編則江寧嚴侍讀

長明

所纂輯者也余與侍讀于

乾隆戊子歲相與奉筆

機廷後先五載深悉其姍雅閱通爲當代著作巨手茲
閱是編甄綜羣籍原本史裁而太守舒君復爲參稽
案牘斟酌民言俾一郡之掌故眉列掌示宜于古不
悖于今信乎可備是邦之文獻而資賢守之設施矣
昔漢蕭相入關先取圖籍厥後三輔黃圖西京雜記
兩京道里咸鎬故事諸書摛文隸事艷溢縹緗然存

亡率多參半傳者如程泰之之雍錄何大復之雍大
記或失之煩或失之簡求能綜括古今而復折衷典
則如今所著者方之于古豈易覲耶余自從宦以來
久疎簡畢近歲復奉

命從征西南徼外戎馬馳驅更滋荒率今者方蒞茲土而
皇然大著適觀厥成良深慶幸微君請亦將欣然泚
筆以序之也繼自今甘露時雨沐浴

湛恩名山大川揚詔

盛德上以備四庫之儲藏下以佐三輔之化理胥在于是
不其禕歟是爲序

乾隆己亥秋九月望陝西承宣布政使尙安撰

刻石之形式以壁刻西水宣帝延光內公對

人不其有然最爲人

盤論之以時國車之治類不以公三神之外野晉五千吳

部思奇山大壯雄廣行諸人所慕範者也余與

筆以司本出盤以全其最却雨水谷

皇然大善靈勝無如易氣與幸然故請夜其如然

命外西西南於於大國則更其氣來今青水藏爲土而

八國於無設藏奉郡之事故有列學示實于古

惟收今則普皆衣衣古古豈長勝耶余自外寄以

諸國之通則水火之計若指諸外而合而外則

有事之通中則藏取計其以文藏於外而外則

郡邑之有志所以審疆域察風土鏡古今辨因革觀
民設教于是取資實爲治者輔相裁成之一助而今
之有司往往忽焉不講蓋以簿書期會禁令徵發日
汲汲焉無須臾之間又以爲此特文人學士用以詡
方聞資博覽而非當務之急者故郡邑雖舊有志乘
往往聽其編殘簡斷漫漶而不可考矧無所資藉而
欲憲古証今爲之創始以備一方文獻蓋綦難矣乾
隆戊戌余奉

恩命秉臬是邦知今

大中丞畢公於丙申入

覲有重修關中府志之

奏西安首郡則太守舒君經紀其事而嚴侍讀長明方
有事于排纂尙未歲厥事余維西安地大物博兼自
成周而後秦漢隋唐代建國都勝蹟遺聞甲於列郡
自非博識通材莫能勝任今仰奉

恩綸旬宣南服行將俶裝入

覲而舒公適以成書來上因爲窮日披覽其中取材旣博
義例復精有張茂先之博虛有劉原父之殫洽蓋幾
幾乎與宋敏求長安一志方軌齊駟至程大昌雍錄
何景明雍大記焦源清雍勝畧諸書有其過之無不
及也侍讀嬖雅閣通向以著作有聲館閣而太守于
政教修明之暇復能蒐輯舊聞網羅今憲使是邦之

疆理山川戶口田賦民物政事罔不粲若列眉瞭如
指掌不獨使後之守此土者入境問俗坐而言者得
起而行而亦足徵其布政優閒不徒以法令文具自
暴其賢勞尤足爲牧守所欽式也因不辭而爲之序
乾隆己亥季秋上澣陝西提刑按察使陞授江寧承
宣布政使諸城劉樽撰

關中天府四塞古稱神皋奧區豐鎬旣宅下逮秦漢隋唐
締造宏業分郊畫畿其間山河雄秀人物瑰偉意必有閎
通妍雅之材暢演鴻製以震耀古今耳目顧余稽之往牘
徵諸今憲自宋敏求長安一志而外七百餘年無復有攷
獻徵文以繼其盛業者豈其地之無足志歟抑以茲事體
大而才學識不足以相支拄往往知難而退已爾余幼耽
墳素自中歲通籍由農曹奉使楚蜀按部持籌久疎鉛槧
今年秋仲復奉

恩命陳臬是邦蒞任後知今

大中丞畢公輯有關中勝蹟圖志于丙申入

覲進呈

乙覽奉

旨繕入四庫全書復以

國家累洽重熙而關中爲文武遺區聲教易于漸被因請先將府志重加修輯荷蒙

俞允秉節西旋適江寧嚴侍讀

長明

遊寓青門因以首郡屬其

編訂而太守舒君

其紳

爲之甄綜厥事余向與侍讀同官

京師後先十載深悉其博虛殫洽擅著述之三長茲特方州

一志必能憲古證今以備一方典錄未幾太守以成書來上因爲窮日披覽爲門一十有五分類五十有一統計八十一卷其中取材宏富立義精嚴方諸史傳大都取則扶風而薈萃鑒裁尤與宋歐陽氏之新唐書相似非近日掾